

CLACHAN GAIDHEALACH AN ALBAINN NU Aidh

cumail a mach gur h-ann á obair-coille a tha lethchiad cent as a h-uile dolar a' tighinn a choisneas an tuathanach an diugh. Faodar so a thuigsinn ma tha sibh fortanach gu leòir air turas a ghabhail 's an luingeas-adhar o Sidni gu Halifax. An uair a sheallas tu gu h-ìosal fodhad chan fhaic thu sian ach coille, lochan, is muir. Saoilidh tu gu bheil Eilean Cheap Breatann 'n a chnap mór coille air fiod am meadhon a' chuain.

Tha iomadh seòrsa tuathanachais ri buille 's a' chlachan Ghàidhealach, ach 's ann ainneamh a gheibh sibh lorg air tuathanach a tha a' strì ri cearcan, buntàta, gràin, crodh, coille is caoraich aig an aon àm. Mar is trice tha an tuathanach a' cur roimhe dìreach aonan de na h-iomairtean-oibre sin a thoirt gu ìre gach bliadhna, is tha sùil aige air an tuathanachas as fhèarr a phàidheas, is nach iarr mòran earrais air a cùl air son toiseach-toiseachaidh. Mar sin 's ann ri gearradh coille a tha a' chuid as motha dhiùbh an sàs.

Tha mòran airgid an crochadh ri na craobhan Nollaige, 's e sin an giuthas dubh. Chaidh dà mhuillion diùbh a ghearradh an uiridh, is chuireadh air astar iad do na Stàidean Aonaichte. Thòisich an obair so o chionn ochd bliadhna diag, ach, a réir nan daoine as aithne an gnothach dh'fhaodadh iad tuilleadh airgid a dhèanamh anns an raon so, nan oibricheadh iad an gnothuch ceart.

For Quality

HARRIS TWEEDS

In Smartest and Most Fashionable Shades.
Any lengths cut.

Patterns Free on Request (stating Shades).

Large Stocks Hand-knitted Shetland Jumpers
and Cardigans.

Hand-knitted Golf Hose and Socks.

Established 1874

A. MACAULAY LTD.
27 North Beach Street
STORNOWAY